

Analisis Aplikasi Pendekatan *Tafsīr Bi Al-Ma'thūr* Di Dalam Majalah Dabiq Terbitan Kumpulan ISIS - Tinjauan Awal

Pg. Ahmad Hasanuddin Pg. Tejudin^{1,2}, Mohd Faizulamri Bin Mohd Saad³ & Muhammad Uzair Bin Izham⁴

¹ Calon Sarjana Pengajian Islam (Pengajian al-Quran dan al-Sunnah), Fakulti Pengajian Islam UKM,

² Ministry Of Defence (MINDEF), Brunei Darussalam,

³ Pusat Kajian al-Quran dan al-Sunnah, Fakulti Pengajian Islam UKM,

⁴ Calon Sarjana Pengajian Islam (Pengajian al-Quran dan al-Sunnah), Fakulti Pengajian Islam UKM.

ahmad.ibnutejudin@gmail.com

Abstrak

Tafsīr Bi al-Ma'thūr merupakan kaedah penafsiran utama di dalam bidang Tafsir. Rentetan daripada penerbitan majalah Dabiq oleh Kumpulan Islamic State of Iraq and al-Sham (ISIS) yang dilihat mengandungi naratif berunsurkan keganasan menggunakan tafsiran ayat-ayat al-Quran. Oleh yang demikian, kajian ini dijalankan bertujuan untuk membuat tinjauan awal di dalam menganalisis aplikasi pendekatan *Tafsīr Bi al-Ma'thūr* terhadap ayat-ayat al-Quran yang terdapat di dalam majalah tersebut. Reka bentuk kualitatif menggunakan kaedah pendekatan analisis kandungan (content analysis) digunakan dalam kajian ini sebagai metode kajian. Hasil kajian mendapati, terdapat pendekatan *Tafsīr Bi al-Ma'thūr* digunakan oleh ISIS di dalam majalah tersebut. Walaubagaimanapun, jika melihat kepada konteks tafsiran ayat-ayat tersebut, ia telah digunakan sebagai justifikasi untuk menyeru kepada hijrah, jihad, menumpahkan darah dan menubuhkan Khilafah. Ini sekaligus menunjukkan bahawa pendekatan *Tafsīr Bi al-Ma'thūr* saja belum mencukupi untuk memastikan sebuah konteks tafsiran itu terhindar daripada kesalahan. Justeru, pengkaji mencadangkan kajian lanjutan dijalankan untuk membuat perbandingan dengan karya *Tafsīr Bi al-Ma'thūr* yang terpilih bagi melihat sejauhmana kesinambungan tradisi *Tafsīr Bi al-Ma'thūr* yang diaplikasikan di dalam majalah Dabiq ini adakah ianya bertepatan dengan karya *Tafsīr Bi al-Ma'thūr* yang sedia ada ataupun ia hanya menepati satu sudut saja tetapi berbeza dari sudut yang lain bagi membenarkan ideologi ISIS tersebut.

Kata Kunci: Islamisme; ISIS, Al-Quran, *Tafsīr Bi Al-Ma'thūr*, Ekstremisme, Radikalisme.

An Analysis of the *Tafsīr Bil Ma'thūr* Approach in Dabiq Magazine Published by ISIS - A Preliminary Review

Abstract

Tafsīr Bi al-Ma'thūr is the primary *tafsīr* method in the field of *tafsīr* (*Quranic* exegesis). Dabiq magazine, a publication of Islamic State of Iraq and Sham (ISIS), has been found to contain narratives on violence with support from *Quranic* verses. This study seeks to preliminarily analyse the application of *Tafsīr Bi al-Ma'thūr* to the *Quranic* verses cited in the magazine. This qualitative study employed the content analysis method. The results of the analysis evinced that *Tafsīr Bi al-Ma'thūr* was applied by ISIS in their magazine. However, the contextual interpretations of those verses to justify *hijrah*, *jihad*, bloodshed, and the establishment of the *Khilafah* (Caliphate) have demonstrated that using the *Tafsīr Bi al-Ma'thūr* approach alone is insufficient to prevent contextual misinterpretation. Thus, the researcher suggests future studies to compare the current analysis on Dabiq magazine with other selected works that utilise the *Tafsīr Bil Ma'thūr* method. The purpose of such studies would be to explore the continuity of the *Tafsīr Bil Ma'thūr* tradition in Dabiq magazine whether its application entirely conforms with existing *Tafsīr Bil Ma'thūr* works or only in one aspect to justify the ISIS ideology.

Keywords: *Islamism*; ISIS; Al-Quran; *Tafsīr Bi Al-Ma'thūr*: *Extremism*; *Radicalism*.

1. Pendahuluan

Al-Quran merupakan sumber wahyu yang pertama untuk umat Islam. Oleh itu, segala penafsiran yang menyeleweng menggunakan ayat-ayat Al-Quran akan menatijahkan terjadinya kesalahfahaman dan implikasi yang buruk terhadap Islam (Mansouri & Keskin 2019) dan juga kepada umat Islam (Ahmad Munawar Ismail & Siti Madihah Kamaruddin 2020; Wan Kamal Mujani, Ahmad Munawar Ismail & Nurfida"iy Salahuddin 2020).

Penyelewengan di dalam tafsiran ayat-ayat al-Quran ini dapat dilihat semakin berleluasa dewasa ini terutamanya dengan kemunculan kumpulan-kumpulan radikal seperti *Islamic State of Iraq and al-Sham* (ISIS), yang telah menerbitkan majalah digital seperti *Majalah Dabiq*. Menurut para pengkaji, penerbitan majalah digital ini adalah bertujuan untuk menyebarkan propaganda, merekrut pejuang-pejuang serta menyeru pembacanya untuk melakukan tindakan radikal dengan menggunakan naratif yang dijustifikasikan dengan ayat-ayat al-Quran (Colas 2017; Coruh 2019; Drăgoi 2018; Droogan & Peattie 2017; Ingram 2016; Wignell, Tan & O'Halloran 2016).

Berdasarkan tinjauan literatur yang telah dilaksanakan sehingga ke hari ini, masih belum lagi terdapat kajian yang dijalankan terhadap majalah *Dabiq* yang melihat daripada sudut analisis aplikasi pendekatan *Tafsīr Bi al-Ma'thūr*. Justeru, objektif kajian ini adalah untuk membuat tinjauan awal dalam menganalisis aplikasi pendekatan *Tafsīr Bi al-Ma'thūr* terhadap ayat-ayat al-Quran yang terdapat di dalam majalah *Dabiq*. Kajian dijalankan menggunakan reka bentuk kualitatif dan metode analisis kandungan (*content analysis*) Pengkaji juga membataskan kajian ini terhadap tiga pendekatan *Tafsīr Bi al-Ma'thūr* berdasarkan turutan utama iaitu pendekatan mentafsirkan Al-Qur'an dengan Al-Qu'ran, pendekatan mentafsirkan Al-Qur'an dengan Sunnah dan pendekatan mentafsirkan Al-Qur'an riwayat Sahabat. Sebarang petikan daripada majalah *Dabiq* dikekalkan dalam bahasa asal iaitu bahasa Inggeris, manakala konteks penggunaan ayat tersebut akan dipaparkan di dalam jadual pada bahagian kata kunci.

2. Definisi *Tafsīr Bi al-Ma'thūr*

Tafsīr Bi al-Ma'thūr merupakan sebuah kaedah penafsiran penafsiran yang menggunakan sumber riwayat yang sahih berdasarkan turutan iaitu mentafsirkan Al-Qur'an dengan Al-Qu'ran, mentafsirkan Al-Qur'an dengan Sunnah, mentafsirkan Al-Qur'an riwayat Sahabat dan mentafsirkan Al-Qur'an dengan penjelasan *Kibar al-tābi'īn* (Al-ṣitir 2012; Al-Qai'i 1987; Al-Qattān 2007). Manakala bagi tafsiran yang bukan bersumberkan daripada *Kibar al-tābi'īn*, maka para ulama telah berselisih pandangan di dalam menentukannya. Sebahagian para ulama mengklasifikasikannya sebagai di dalam *Tafsīr al-Ma'thūr*; manakala sebahagiannya lagi telah mengkategorikannya sebagai kategori *Tafsīr Bi al-Ra'yi* (Al-Qai'i 1987). Menurut Al-Qai'i (1987), hal ini berlaku disebabkan oleh faktor-faktor berikut:

1. Terdapat tafsiran yang dinisbahkan kepada para Sahabat ataupun al-tābi'īn yang dilakukan oleh musuh-musuh Islam seperti Yahudi dan Farsi yang bertujuan untuk menghancurkan Islam melalui pemalsuan Tafsir.
2. Terdapat tafsiran yang digunakan oleh golongan ekstremisme seperti kumpulan *Shiah* dan juga *Mutazalfiyīn* untuk mempertahankan mazhab mereka.
3. Terjadinya percampuran di dalam riwayat tafsir di antara riwayat yang Sahih dan juga riwayat yang lemah.
4. Faktor bercampurnya *Israiliyyat* di dalam penafsiran.

3. Majalah *Dabiq*

Majalah *Dabiq* merupakan sebuah majalah digital yang diterbitkan oleh ISIS di bawah penerbitan al-Hayat Media Center (Colas 2017; Jacoby 2018; Wignell, Tan & O'Halloran 2016) yang dipimpin oleh Abu Atheer al-Absi (Orton 2016) dalam bentuk PDF (Al-Dayel & Anfinson 2017). Nama "Dabiq" merujuk kepada sebuah perkampungan di sebelah barat daya Syria yang terletak di utara Aleppo 10 kilometer berhampiran dengan sempadan Turki (Droogan & Peattie 2017; Welch 2018; Wignell, Tan & O'Halloran 2016).

Sehingga kini sebanyak 15 keluaran majalah *Dabiq* ini telah diterbitkan di bawah al-Hayat Media Center (Barton 2019; Drăgoi 2018; Droogan & Peattie 2017; Jacoby 2018; Wignell, Tan & O'Halloran 2016) bermula daripada Julai 2014 sehingga Ogos 2016 (Al-Dayel & Anfinson 2017) sebelum ia digantikan dengan majalah *Rumiyah* pada September 2016 (Barton 2019).

Jadual 1: Majalah Dabiq (Barton 2019; Jacoby 2018)

Bilangan	Tajuk	Tarikh Dikeluarkan	Jumlah Muka Surat	Tempoh Jarak Pengeluaran	Jumlah Perkataan
Bilangan 1	<i>The Return of Khilafah</i>	5 Julai 2014	50 Muka surat		10, 105
Bilangan 2	<i>The Flood</i>	27 Julai 2014	44 Muka surat	22 Hari selepas keluaran Bilangan 1	12, 585
Bilangan 3	<i>A Call to Hijrah</i>	10 September 2014	42 Muka surat	45 Hari	14, 045
Bilangan 4	<i>The Failed Crusade</i>	11 Oktober 2014	56 Muka surat	31 Hari	20, 261
Bilangan 5	<i>Remaining and Expanding</i>	21 November 2014	40 Muka surat	41 Hari	12, 914
Bilangan 6	<i>Al Qai'dah of Waziristan: A Testimony from Within</i>	29 Disember 2014	63 Muka surat	38 Hari	28, 397
Bilangan 7	<i>From Hypocrisy to Apostasy: The Extinction of the Grey Zone</i>	12 Febuari 2015	83 Muka surat	45 Hari	35, 786
Bilangan 8	<i>Shariah Alone Will Rule Africa</i>	30 Mac 2015	68 Muka surat	46 Hari	30, 652
Bilangan 9	<i>They Plot and Allah Plots</i>	21 Mei 2015	79 Muka surat	52 Hari	32, 705
Bilangan 10	<i>The Law of Allah or the Laws of Men</i>	13 Julai 2015	79 Muka surat	53 Hari	43, 224
Bilangan 11	<i>From the Battles of Al-Ahزاب to the War of Coalitions</i>	9 September 2015	27 Muka surat	66 Hari	34, 288
Bilangan 12	<i>Just Terror</i>	18 November 2015	66 Muka surat	101 Hari	39, 751
Bilangan 13	<i>The Rafdah from Ibn Saba' to the Dajjal</i>	19 Januari 2016	56 Muka surat	62 Hari	29, 064
Bilangan 14	<i>The Murtadd Brotherhood</i>	13 April 2016	68 Muka surat	85 Hari	35, 167
Bilangan 15	<i>Break the Cross</i>	31 Julai 2016	82 Muka surat	109 Hari	45, 053

4. Majalah Dabiq

Tinjauan literatur yang dijalankan menunjukkan pelbagai kajian dan pendekatan telah dijalankan terhadap majalah Dabiq. Kajian menganalisis *strategi komunikasi visual* yang ada pada majalah Dabiq menggunakan sebanyak 1144 gambar yang ada pada 12 keluaran pertama majalah tersebut dijalankan oleh C. K. Winkler et al. (2016), Kajian ini diteruskan lagi oleh C. Winkler et al. (2019) yang membuat analisis terhadap 1965 gambar yang mengandungi unsur pembunuhan di dalam majalah Dabiq dan al-Naba'. Hasil daripada kajian tersebut, pengkaji mendapati; 1). kumpulan ISIS ingin menonjolkan kemampuan mereka untuk membuktikan siapakah yang lebih berkemampuan untuk membunuh di khalayak ramai; 2). mengidentifikasi keadaan musuh; 3). menunjukkan kepada musuh siapakah yang lebih dominan dan 4). meninggikan moral anggota kumpulan ISIS.

Selain itu, kajian menganalisis *strategi komunikasi* ISIS di dalam naratif teks majalah Dabiq dijalankan oleh Ingram (2016a), Menurut Ingram (2016a), naratif-naratif yang digunakan oleh kumpulan ISIS di dalam majalah ini mampu menjadikan pembacanya melewati had batasan "*violence threshold*" dan sekaligus

melegitimasi keganasan. Hal ini terjadi kerana di dalam majalah tersebut ISIS telah menggunakan: 1). nas al-Quran & Hadith yang berkaitan dengan Hari Kiamat; 2). menggambarkan ISIS sebagai penyelamat umat Islam seperti bahtera Nabi Nuh; 3). menggunakan Nas al-Quran & Hadith yang berkaitan dengan Jihad dan 4). menggunakan *existential anxieties* untuk mencetuskan process yang dipanggil sebagai “*awakening*”. Hal ini di ikuti dengan naratif yang menggunakan “*cyclical cognitive reinforcement*” dengan; a) Menggambarkan kepada pembacanya bahawa ISIS merupakan penyelamat kepada Ahli Sunnah, b) menekankan pembacanya kepentingan berada di dalam Jamaah dan menyuruh pembaca melakukan pilihan samada mereka bersama ISIS atau tidak, c) melakukan *takfir* kepada mana-mana pihak yang tidak menyokong ISIS. Menurut Menurut Ingram (2016a), kedua naratif “*awakening*” & “*cyclical cognitive reinforcement*” tadi akhirnya akan menjadikan pembacanya melepasi batasan “*Violence Threshold*” sekaligus melegitimasi perbuatan radikal.

Seterusnya, kajian Adina-elena Drăgoi (2018) mengkaji naratif utama Daesh di dalam Majalah Dabiq melalui pendekatan *Semiology*. Dalam kajian ini juga, beliau telah memfokuskan penyelidikannya terhadap naratif berdasarkan pendekatan agama dan *socio-psychology* yang digunakan oleh ISIS di dalam majalah Dabiq. Melalui kajian yang dijalankan ini, Adina-elena Drăgoi (2018) mendapati, ISIS mempengaruhi pembacanya ke arah proses radikalisasi menggunakan: a) Ideologi Salafi; b) memanipulasi naratif agama; c) *manichean worldview*; d) menggunakan *demonization* terhadap barat untuk merealisasikan jihad.

Selain itu, kajian yang dijalankan oleh Colas (2017) untuk mengenal pasti siapakah sasaran pembaca majalah Dabiq dan faktor ISIS mendedahkan kelemahan mereka di dalam majalah tersebut. Colas membuat analisis terhadap 14 terbitan majalah Dabiq dan mengkategorikan tema pemikiran ISIS di dalam majalah ini menggunakan pendekatan *Dan Milton's Framework*. Hasil kajian Colas (2017) mendapati sasaran pembaca majalah Dabiq ada 3 iaitu: 1) golongan belia dan *muallaf*, 2) penggubal undang-undang barat, 3) anggota ISIS sendiri. Selain itu dapatakan kajian Colas juga mendapati bahawa punca mengapakah kumpulan ISIS menyingkapkan kelemahannya sendiri di dalam majalah tersebut adalah berpunca hasil daripada konflik sesama anggota ISIS yang disebabkan oleh pemahaman *fundamentalist hermeneutics* mereka terhadap ayat-ayat al-Quran dan Hadith.

Barton (2019) membuat kajian *thematic* terhadap majalah Dabiq, Beliau telah mengkategorikan sebanyak 9 tema di dalam majalah ini iaitu; 1) *justice* [Keadilan], 2) *goodness* [Kebaikan], 3) *A sense of belonging*, 4. *The khalifate*, 5) Hijra, 6) *Redemption* [Penebusan], 7) *sin* [Dosa], 8) *judgement* [Penghakiman] dan 9) jihad. Namun, di dalam kajian lain yang dilakukan oleh Droogan & Peattie (2017) menggunakan perisian Nvivo, sebanyak 70 tema telah dikategorikan daripada majalah ini. Walaubagaimanapun, kajian Droogan & Peattie (2017) ini hanya menggunakan 13 bilangan sahaja daripada terbitan majalah Dabiq sementara Barton (2019) pula telah menggunakan semua 15 majalah tersebut.

Akhir sekali, Frissen et al. (2018) memfokuskan penyelidikan terhadap rujukan ayat-ayat Al-Quran yang paling banyak digunakan oleh ISIS di dalam majalah Dabiq. Melalui kajian tersebut, beliau mendapati bahawa kumpulan ISIS di dalam majalah Dabiq ini telah merujuk sekitar 700 ayat al-Quran, dan surah yang paling kerap dirujuk oleh mereka dapat dilihat berdasarkan senarai di bawah ini:

Jadual 2: Senarai surah yang kerap dirujuk oleh kumpulan ISIS di dalam majalah Dabiq (Frissen et al. 2018)

No	Nama Surah	No Surah	Makkī/Madanī	Kekerapan rujukan
1	AL-Tawbah	9	Madanī	76
2	Al-Baqarah	2	Madanī	66
3	Al-Imran	3	Madanī	63
4	Al-Nisā	4	Madanī	61
5	Al-Anfāl	8	Madanī	42
6	Al-Mai'dah	5	Madanī	38
7	Al-A'rāf	7	Madanī	21
8	Al-Ahzāb	33	Madanī	21
9	Al-An'ām	6	Makkī	21
10	Al-Hashr	59	Madanī	14

5. Analisis Dan Perbincangan

Tafsir Bi Al-Ma'thūr merupakan salah satu daripada kaedah yang dominan di dalam penafsiran Al-Qur'an selain daripada *Tafsir bī al-Ra'yī*. Menurut Al-Qattān (2007), Tafsiran menggunakan pendekatan *Tafsir Bi Al-*

Ma'thūr adalah wajib diikuti kerana ianya merupakan pendekatan yang paling *asah* dan paling selamat daripada terjerumus di dalam kesalahan ketika mentafsirkan Al-Qur'an.

Melalui dapatan awal kajian ini, ia telah menunjukkan aplikasi pendekatan *Tafsir Bil Ma'thūr* turut digunakan oleh kumpulan ISIS di dalam majalah Dabiq. Di bawah ini merupakan beberapa bukti yang menunjukkan penggunaan pendekatan *Tafsir Bil Ma'thur* iaitu mentafsirkan Al-Qur'an dengan Al-Qur'an, mentafsirkan Al-Qur'an dengan Hadis Sahih dan juga mentafsirkan Al-Qur'an dengan Qaul Sahabat.

Jadual 3: Pendekatan menafsirkan Al-Qur'an menggunakan ayat Al-Qur'an (Al Hayat Media Center 2014b)

Bil:	3	Halaman:	27	Kata kunci:
Ayat Al-Qur'an: Al-Ahzāb:20, Al-Taubah:46-47				Hijrah Jihad
Teks: So, abandoning hijrah – the path to jihād – is a dangerous mater. In effect, one is thereby deserting jihād and willingly accepting his tragic condition of being a hypocritical spectator. He lives in the West amongst the kufār for years, spends hours on the Internet, reads news and posts on forums, only to be encompassed by the verse...”				

Jadual 4: Pendekatan menafsirkan Al-Qur'an dengan Hadis Sahih (Al Hayat Media Center 2014a)

Bil:	1	Halaman:	27	Kata kunci:
Ayat Al-Qur'an: Al-Baqarah 2:130				Imamah
Teks: “So we can see from the context of these verses that imamah is from the millah of Ibrahim (‘alayhis-salam), and that whoever turns away from it is turning away from something that’s a part of this great millah.” Whoever wishes to be saved from the fire and enter paradise should die believing in Allah and the Last Day, and should treat people the way he wishes to be treated. Whoever pledges allegiance to an imam, giving him his hand in sincerity, should obey him as much as he is able to. And if another man comes forward disputng his legitimacy, then strike that other man’s neck.” [Recorded by <u>Muslim</u>]				

Jadual 5: Pendekatan menafsirkan Al-Qur'an dengan Qaul Sahabat (Al Hayat Media Center 2016)

Bil:	15	Halaman:	63	Kata kunci:
Ayat Al-Qur'an: At-Tawbah 5, At-Tawbah 29				Allah has made our mission to wage war against disbelief.
Teks: Know well that our fight will continue until you are defeated and submit to the rule of your Creator, or until we achieve martyrdom. Allah has made our mission to wage war against disbelief until it ceases to exist, as he has ordered us to kill all pagans wherever they are found. These terms can be found in authentic texts relating to when the <u>Caliph ‘Umar Ibn al-Khattab</u> made a covenant with the Christians of the Levant, namely that they do not build new monasteries, churches, or shrines in or around their cities; that they do not mend what was damaged thereof; that they do not restrict traveling Muslims from using their buildings for refuge; that they do not harbour spies or other enemies; that they do not conceal when a Muslim is being cheated or betrayed; that they neither display their pagan practices nor invite anyone to them; that they do not prevent any of their relatives from accepting Islam; that they make room for the Muslims and stand for them when they want to sit; that they do not wear weapons or bear arms; that they do not sell wines; that they do not display the cross atop their churches or in sight of the Muslims; that they do not raise their voices in their churches; and so forth.				

Berdasarkan jadual di atas, dapat dilihat bahawa ISIS telah menggunakan pendekatan *Tafsir Bil Ma'thur* di dalam majalah Dabiq. Jadual 3 menunjukkan ayat Al-Ahzāb:20 ditafsirkan menggunakan Al-Taubah: 46-47 dalam konteks menyeru tentang kepentingan hijrah dan jihad. Pada Jadual 4 pula, ISIS telah menafsirkan al-Baqarah 2:130 dengan menggunakan hadis Sahih yang telah diriwayatkan oleh Imam Muslim dalam konteks justifikasi menubuhkan Khilafah ataupun Imamah. Manakala pada Jadual 5, ayat At-Tawbah:5 dan juga At-Tawbah:29 dikaitkan dengan Sayyidina Umar dalam konteks memerangi golongan kuffar dan membunuh golongan pagan di mana mereka berada.

Melihat kepada konteks tafsiran ayat yang digunakan menggunakan pendekatan *Tafsir Bi al-Ma'thur* yang ada pada majalah ini, ianya jelas menunjukkan bahawa pendekatan *Tafsir Bi al-Ma'thur* saja tidak cukup untuk memastikan sebuah konteks tafsiran terhindar daripada kesalahan. Hal ini kerana, konteks tafsiran tersebut adalah jelas bertentangan dengan falsafah dan etika Islam (Zul'Azmi Yaakob & Ahmad Sunawari Long 2015) dan segala implikasi daripada tafsiran ini seperti melakukan serangan, pengeboman dan pembunuhan terhadap orang awam merupakan jenayah di bawah *shari'ah* Islam (Bassiouni 2016; Lettertobaghdadi 2014). Justeru itu, pengkaji mencadangkan supaya kajian lanjutan dijalankan bagi membuat perbandingan dengan karya *Tafsir Bi al-Ma'thur* yang terpilih untuk melihat sejauhmana kesinambungan tradisi ilmu *Tafsir Bi al-Ma'thur* yang diaplikasikan dalam majalah ini adakah tafsiran al-Quran di dalam Majalah Dabiq ini adakah ianya bertepatan dengan tradisi *Tafsir Bi al-Ma'thur* yang sedia ada ataupun ia hanya menepati satu sudut sahaja (tafsiran al-Quran dengan al-Quran, hadith atau qaul sahabat) tetapi berbeza dari sudut yang lain seperti asbab nuzul, kaedah Bahasa Arab dan sebagainya bagi membenarkan ideologi ISIS tersebut.

6. Kesimpulan

Kesimpulannya, *Tafsir Bi al-Ma'thur* merupakan salah satu daripada kaedah penafsiran yang penting di dalam bidang ilmu Tafsir. Hasil analisis tinjauan awal kajian ini telah menunjukkan bahawa pendekatan *Tafsir Bi al-Ma'thur* sememangnya ada digunakan di dalam majalah Dabiq. Walaubagaimanapun, melihat daripada sudut konteks tafsiran tersebut menunjukkan ianya digunakan sebagai justifikasi untuk menyeru kepada hijrah, jihad, pembunuhan, menyerang orang kafir & menubuhkan Khilafah. Pengkaji juga mencadangkan kajian lanjutan dijalankan untuk membuat perbandingan dengan karya *Tafsir Bi al-Ma'thur* yang terpilih bagi melihat sejauhmana kesinambungan tradisi *Tafsir Bi al-Ma'thur* yang diaplikasikan di dalam majalah Dabiq ini adakah ianya bertepatan dengan karya *Tafsir Bi al-Ma'thur* yang sedia ada ataupun ia hanya menepati satu sudut saja tetapi berbeza dari sudut yang lain bagi membenarkan ideologi ISIS tersebut.

Rujukan

- Ahmad Munawar Ismail & Siti Madihah Kamaruddin. 2020. Reaksi masyarakat islam di malaysia terhadap ekstremisme. *Islamiyyat : Jurnal Antarabangsa Pengajian Islam; International Journal of Islamic Studies*. 42 (1):103–12.
- Al-‘itir, Nūr al-Din. 2012. *‘ulūm Al- Qur’ān Al-Karīm*. Cairo: Dār al-Baṣāir.
- Al-Dayel, Nadia & Anfinson, Aaron. 2017. “In the words of the enemy”: the islamic state’s reflexive projection of statehood. *Critical Studies on Terrorism*. 11 (1):45–64. <https://doi.org/10.1080/17539153.2017.1338327>.
- Al-Qai‘i, Muhammad ‘abd al-Mun‘im. 1987. *Dirāsāt Qur’āniyyah*. Edisi ke-2. Sharikah Sa‘id Ra’fat li al-ṭaba‘ah.
- Al-Qattān, Mana‘. 2007. *Mabāhith Fī ‘ulūm Al-Qur’ān*. Edisi ke-14. Egypt: Maktabah Wahbah.
- Barton, Greg. 2019. Understanding key themes in the isis narrative: an examination of dabiq magazine. Dlm. Fethii Mansouri & Zuleyha Keskin (pnyt.). *Contesting the Theological Foundations of Islamism and Violent Extremism*, hlm. 139–61. Cham: Palgrave Macmillan.
- Bassiouni, M Cherif. 2016. The State of Social Progress of Islamic Societies *Islam and Contemporary Radicalized Violence*. Habib Tiliouine & Richard J. Estes (pnyt.). Cham: Springer International Publishing. <http://link.springer.com/10.1007/978-3-319-24774-8>.
- Colas, Brandon. 2017. What does dabiq do? isis hermeneutics and organizational fractures within dabiq magazine. *Studies in Conflict and Terrorism*. 40 (3):173–90. <https://www.tandfonline.com/doi/full/10.1080/1057610X.2016.1184062>.
- Coruh, Hakan. 2019. Refuting the extremist interpretations of the text and the prophetic traditions: the case of qur’an 2:256. Dlm. Fethii Mansouri & Zuleyha Keskin (pnyt.). *Contesting the Theological Foundations*

- of Islamism and Violent Extremism*, hlm. 35–51. Cham: Palgrave Macmillan.
- Drăgoi, Adina-elena. 2018. Dabiq : the role of daesh 's jihadist manifesto in the violent radicalization process. *The Romanian Journal of Society and Politics*. Vol. 13 (2):52–64.
- Droogan, Julian & Peattie, Shane. 2017. Mapping the thematic landscape of dabiq magazine. *Australian Journal of International Affairs*. 71 (6):591–620. <https://www.tandfonline.com/doi/full/10.1080/10357718.2017.1303443>.
- Frissen, Thomas, Toguslu, Erkan, Van Ostaeyen, Pieter & d'Haenens, Leen. 2018. Capitalizing on the koran to fuel online violent radicalization: a taxonomy of koranic references in isis's dabiq. *Telematics and Informatics*. 35 (2):491–503. <http://dx.doi.org/10.1016/j.tele.2018.01.008>.
- Al Hayat Media Center. 2014a. Dabiq Magazine *Dabiq 1: The Return of Khilafah*. <https://clarionproject.org/docs/isis-isil-islamic-state-magazine-Issue-1-the-return-of-khilafah.pdf>.
- Al Hayat Media Center. 2014b. 3 Dabiq Magazine *Dabiq 3: A Call To Hijrah*. <http://media.clarionproject.org/files/09-2014/isis-isil-islamic-state-magazine-Issue-3-the-call-to-hijrah.pdf>.
- Al Hayat Media Center. 2016. Dabiq Magazine *Dabiq 15: Break The Cross*. <http://theclarionproj.wpengine.com/wp-content/uploads/islamic-state-magazine-dabiq-fifteen-breaking-the-cross.pdf>.
- Ingram, Haroro J. 2016. An analysis of islamic state's dabiq magazine. *Australian Journal of Political Science*. 51 (3):458–77. <https://www.scopus.com/inward/record.uri?eid=2-s2.0-85047998013&partnerID=40&md5=66d23047eab4f72f81774c487a3140ef>.
- Jacoby, Tim. 2018. Islam and the islamic state's magazine, dabiq. *Politics and Religion*. 12 (1):32–54. https://www.cambridge.org/core/product/identifier/S1755048318000561/type/journal_article.
- Lettertobaghdadi. 2014. Open letter to dr. ibrahim awwad al- badri, alias abu bakr al-baghdad. <http://www.lettertobaghdadi.com/> [23 January 2021].
- Mansouri, Fethi & Keskin, Zuleyha. 2019. Introduction: framing the debate around islamic theology, radicalisation and violent extremism. Dlm. Fethii Mansouri & Zuleyha Keskin (pnyt.). *Contesting the Theological Foundations of Islamism and Violent Extremism*, hlm. 1–12. Cham: Palgrave Macmillan.
- Orton, Kyle. 2016. *Governing the Caliphate: Profiles of Islamic State Leaders*. London: The Henry Jackson Society.
- Wan Kamal Mujani, Ahmad Munawar Ismail & Nurfida"iy Salahuddin. 2020. The threat of radical thinking and extremism in the nusantara (malay archipelago). *Islamiyyat : Jurnal Antarabangsa Pengajian Islam; International Journal of Islamic Studies*. 42 (1):85–92.
- Welch, Tyler. 2018. Theology, heroism, justice, and fear: an analysis of isis propaganda magazines dabiq and rumiyah. *Dynamics of Asymmetric Conflict: Pathways toward Terrorism and Genocide*. 11 (3):186–98. <https://www.scopus.com/inward/record.uri?eid=2-s2.0-85053426406&doi=10.1080%2F17467586.2018.1517943&partnerID=40&md5=74787f1897e140e970cbf34add776e8>.
- Wignell, Peter, Tan, Sabine & O'Halloran, Kay L. 2016. Violent extremism and iconisation: commanding good and forbidding evil? *Critical Discourse Studies*. 14 (1):1–22. <http://dx.doi.org/10.1080/17405904.2016.1250652>.
- Winkler, Carol, ElDamanhoury, Kareem, Dicker, Aaron & Lemieux, Anthony F. 2019. Images of death and dying in isis media: a comparison of english and arabic print publications. *Media, War & Conflict*. 12 (3):248–62.
- Winkler, Carol K., El Damanhoury, Kareem, Dicker, Aaron & Lemieux, Anthony F. 2016. The medium is terrorism: transformation of the about to die trope in dabiq. *Terrorism and Political Violence*. 31 (2):224–43. <https://doi.org/10.1080/09546553.2016.1211526>.
- Zul'Azmi Yaakob & Ahmad Sunawari Long. 2015. Terorisme sebagai cabaran ideologi muslim masa kini: satu analisis dari perspektif falsafah. *International Journal of Islamic Thought*. 7 (1):58–63.